

RÉSUMÉ KHUTBAH JUMMAH

PAR LAJNA IMA'ILLAH ILE MAURICE

Pour tous commentaires ek suggestions, envoye nous ène email à
l'adresse ishaatlajnamu@gmail.com



SOMMAIRE

Hadrat Abu Bakr (ra) dans banne batailles	02
La conquête de la Mecque	03
Le Musleh Maoud (ra) et l'existence de Dieu	04
Décès du St Prophète (sa) et requête duah	06

La bataille de Banu Quraizah

Huzoor (aba) dire qui Hadrat Abu Bakr (ra) ti participe dans la bataille Banu Quraizah. En route pou Banu Quraizah, Hadrat Abu Bakr (ra) et Hadrat Umar (ra) finne suggère au St Prophète (sa) pou porte ène manteau, ki considéré comme joli selon banne norme mondaines, et sa ti pou fer ban dimounes plus enclins pou accepter l'Islam. Le St Prophète (sa) finne accepter zot requête en disant ki li pas pou refuse zot kan zot tous les deux d'accord lor ène point.

Le Saint Prophète (sa) ine aussi dire ki Allah finne assimile Hadrat Abu Bakr (ra) et Hadrat Umar (ra) à ban anges Gabriel et Mikail (as) et aussi à ban prophètes Nuh et Ibrahim (as).

Traité de Hudaibiyah

Hadrat Umar (ra) pa ti d'accord avec ban conditions du traité et line fer part de son mécontentement au St Prophète (sa) et Hadrat Abu Bakr (ra). Le St Prophète (sa) fine expliquer ki li pan fine dir ki zot pou alle Makkah même l'année et ki zot bizin accepter la volonté d'Allah. Hadrat Abu Bakr (ra) finne partage l'opinion du St Prophète (sa) et par la suite, Hadrat Umar (ra) finne regrette so ban propos et fine accomplir ban bonne actions en expiation.

La bataille de Khaibar

Hadrat Abu Bakr (ra) finne aussi participe dans bataille de Khaibar kot ban musulmans finne assiège zot forteresse pendant 10 nuits pou gagne la victoire sous le commandement de Hadrat Abu Bakr (ra). Le St Prophète (sa) ti p souffert de ban migraines et pa ti p trop sorti durant sa ban jours la.

Ban expéditions de Banu Fuzarah et Banu Kilaab

Le St Prophète (sa) ti mette Hadrat Abu Bakr (ra) en charge de ban expéditions de Banu Fuzarah et Banu Kilaab. L'armée musulmane ti victorieux suite à ène bataille contre ban Banu Fuzarah.

La conquête de la Mecque

Huzoor (aba) fine dire ki Hadrat Abu Bakr (ra) fine aussi participe à la conquête de la Mecque. Kan ban musulmans ti arrive à ène l'endroit ki apelle Marruz-Zuhrah, situé à 25 kms dépi Makkah, **le St Prophète (sa) fine demande ban musulmans pou allume 10,000 difé.** Ban Quraish fine peur et Abu Sufyan ine alle kot ban musulmans pou demander ki p arriver et pou cherche protection. Abu Sufyan et deux lezot dimounes finne alle kot le St Prophète (sa) et zot fine accepter l'Islam.

Ene rêve de Hadrat Abu Bakr (ra) concernant Makkah

Hadrat Abu Bakr (ra) ine dire le St Prophète (sa) ki dans ène rêve, line trouve le St Prophète (sa) p coster avec Makkah, et ène lichien ine vine vers zot. Li ti allongé lor so ledos et du lait fine coumence couler dépi li. Suite à ça, le St Prophète (sa) fine expliquer ki le mal fine enlevé et ki la prospérité proche et ki ban dimounes de la Mecque pou vine sous so protection.

Ban musulmans rentrent dans la Mecque en paix

Huzoor (aba) dire ki lors de la conquête de la Mecque, le St Prophète (sa) et ban musulmans fine rentre par Arafat. Le Saint Prophète (sa) fine ordonne ki détruire sa idole ki ti appelle Hubal la.

Ene dimoune ine fer Abu Sufyan rapelle qui pendant la bataille de Ouhoud, li ti p glorifier Hubal et line répone ki si ti éna ène l'autre BonDieu à part le Dieu de Muhammad (sa), ban événements de la conquête de Makkah pa ti pou arriver.

Plus tard, le St Prophète (sa) fine assise dans ènn coin de Ka'bah et ban dimounes fine entoure li. Hadrat Abu Bakr (ra) fine monte la garde à côté du St Prophète (sa).

Le 20 février

Huzoor (aba) dire ki chaque l'année, le 20 février, nous commémore la prophétie du Musleh Maoud (ra), kot le Messie Promis (as) ti annonce la naissance d'ène garçon, en réponse à banne ki ti p dire ki l'Islam pas p présente aukène signe. Ainsi, le Messie Promis (as) finne annoncer ki ène de ban plus grands signes ki pou manifester à travers li, ce sera la naissance d'ène garçon ki pou vive ène long lavie et ki pou rende ban grands services à la foi. Non seulement sa prophétie la fine être réalisé mais en plus li fine être réalisé de façon très précise kot nous fine constater comment tous les signes ki ti pou manifester à travers le Musleh Maoud (ra) fine être accompli.

Prendre conscience de l'existence de Dieu dès un jeune âge

En 1900, kan Hadrat Musleh Maoud (ra) ti éna 11 ans, line commence demande li-même si BonDieu exister et kifer li croire en Li. Li fine réfléchi boucou et line fine arrive à la certitude ki Dieu exister vraiment. Il ti très content de sa prise de conscience la et line fer duah pou ki zamais li pa re gagne doute lors l'existence de Dieu. C'est à sa même l'âge la ki Hazrat Musleh Maoud (ra) ti porte ène manteau du Messie Promis (as) et line fer duah abondamment.

Plus tard, pendant ki li ti p réfléchi sur la vérité de l'Ahmadiyyat, line pensé que si Allah exister, alors le St Prophète (sa) aussi vrai. Et si le St Prophète (sa) vrai, alors le Messie Promis (as) aussi vrai. Donc, si le Messie Promis (as) vrai, alors l'Ahmadiyyat aussi bizin vrai.

Ene nuit, le Musleh Maoud (ra) ti p guette ban zétoiles et line pose li-même la question; ki éna au-delà de ban zétoiles? Line réalisé ki éna encore lezot zétoiles. Line continuer demander ki éna dans l'au-delà et line arrive à la conclusion que si ène kitchose couma ban zétoiles en abondance, donc surement Allah Li illimité.

La connaissance accordée directement dépi Allah, le Tout-Puissant

Hadrat Mirza Bashiruddin Mahmud Ahmad (ra) ti ène l'exemple dans la façon ki Allah même fine accorde li la connaissance. Ene zour, alors ki li ti jeune, line fer ène rêve kot li fine tande ène la cloche p sonner fort. Line trouve ène cadre formé et dans sa cadre la, ti éna ène zimage. Zimage la ine commence bouzer, lerla zimage la ine sorti dépi cadre sous la forme d'ène dimoune kine dire ki li ène ange d'Allah. Line dire ki Allah fine avoye li pou li enseigne la signification de Surah Al Fatiha. Line explique li ziska verset "c'est Toi seul ki nous implorer pou aide". Ange la ine dire ki tou ban ki écrire commentaires du Quran fine arrête lor sa verset la mais ange la ine enseigne li le chapitre en entier. Ainsi, le Musleh Maoud (ra) ti doté d'ène véritable connaissance du Quran.

Comment pou bénéficier réellement de la prophétie du Fils Promis?

Huzoor (aba) dire ki la commémoration de sa prophétie la pou bénéfique uniquement kan nou pou réaliser ki nous bizin diffuse le véritable message du St Prophète (sa) dans le monde entier, et bizin rassembler le monde sous so bannière. **Azordi, péna personne excepté ban disciples du Messie Promis (as) ki capave hisse le drapeau de l'Islam et diffuse le message de l'Islam partout dans le monde.**

Kan le St Prophète (sa) fine décédé, Hadrat Abu Bakr (ra) ti dans ène place ki appelle Sun'a. Hadrat Umar (ra) ti refuse croire ki le St Prophète (sa) ti décéder. Kan Hadrat Abu Bakr (ra) fine arrivé, line embrasse le visage béni du St Prophète (sa) et line dire à Hadrat Umar (ra) ki le St Prophète (sa) fine décéder mais ki Allah Li Vivant et zamais Li pa pou disparaite. Ensuite, line cite ban versets Quran Shareef qui comme suit:

" Certainement, to pou mort et certainement banne-là *oussi* pou mort." (39:31)

"Et Mohammad li ène Mèssazer sélement. Certainement avant li, tout banne mèssazers finne mort. Si *arrivé* li mort ou soi tué li, esse-ki zotte pou rétourne lor zot talons? Et dimounes ki rétourne lor so talons, li pa pou faire Allah aukène tort. Et certainement Allah pou récompense banne reconnaissants." (3:145)

Ainsi, tout dimounes fine comprend ki tout ban prophètes ki ti vini avant fine décéder et donc, de la même façon, le St Prophète (sa) ti pou décédé à ène moment donné.

Duah spécial pour ène le monde en crise

Dan dernier partie Khutbah, Huzoor (aba) fine attire nu l'attention vers duah en vue de bane conditions actuelles dans le monde. huzoor (aba) fer duah ki ban dimounes reconnaitre Allah et ki zot arrete mette la vie les autres en danger pou satisfaire zot désirs mondains. Nou ziss capave fer duah pou ki Allah sauve l'humanité de la guerre et de so ban résultats catastrophiques ki nou pa capave même imaginer.

NOUS ENCOURAGE TOUS BAN LAJNA ET
NASIRAT POU SUIVE KHUTBA JUMMAH
EN DIRECT LOR BAN CHAINES DE LA
MTA

<http://www.mta.tv/live>

OU

<http://www.mta.tv/live-audio-only>

OU

<https://youtu.be/TEGnBvhnCj0>

ou pou Android app

[https://play.google.com/store/apps/details?
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)

ou pou iPhone app

[https://apps.apple.com/us/app/mta-
international/id942619881](https://apps.apple.com/us/app/mta-international/id942619881)

@lajnamu

